

19 FEBRUARIE / 21 APRILIE

**ACATISTUL
SF. CUVIOS
TEODOR 1
UŞAKOV
DE LA
SANAKSAR**



**ACATISTIERUL PE FEBRUARIE
MOSCOVA**



Акафист

святому преподобному

Феодору Санаксарскому

Кондак 1

Избранный наставниче и теплый о нас
молитвенниче, мира светильниче и
кроткий воине Христов, во святем
крещении Иоанном нареченный и в
монашество с именем Феодор
постриженный, величающе
прославльшаго тя Господа, воспеваем
ти похвальная. Ты же от юношества на
служение Господу благословенный,
вниманием императрицы Елисаветы
Петровны на земли защищенный, от
всяких нас бед свободы зовущих:
Радуйся, преподобне отче наш Феодоре,
радосте Христова на святей Руси всем
верным во спасение.

Икос 1

Ангелом Творец посла тя, преподобне
отче наш Феодоре, земли Российской в
славу и ограждение, верным дома
Пресвятой Богородицы в молитвенное
попечение, жаждущим спасения во
Христе Иисусе в мудрое духовное
окормление, молитвенникам земли
русския в благодатное научение. Мы
же, дивящися таковому о тебе
промышлению Вседержителя, покаянно
зовем ти:

Радуйся, земли благословенней
украшение,

Радуйся, образе кротости и смирения.

Радуйся, о нас пред Богом молитвенное
попечение,

Радуйся, в духовней брани верным щит
и ограждение.

Радуйся, гонимый Христа ради нам в
благое научение,

Радуйся, преподобному отцу нашему
Серафиму Саровскому всея России

чудотворцу за столетие Богом
посланный в образ благоугождения.
Радуйся, мужественно иго Божие на
себе возложивый,
Радуйся, теплый молитвенниче,
пастырю в правде Божией
непоколебимый.
Радуйся, преподобне отче наш Феодоре,
радосте Христова на святей Руси всем
верным во спасение.

Кондак 2

Видящи Господь чистоту и простоту
сердца твоего, преподобне отче наш
Феодоре, избра ты во оружие Свое, да
уничжижит лукавое, беспечное веселие
дольнего мира, из гвардии
Преображенскаго полка императрицы
на путь стяжания звания воина
ЦаряНебеснаго тебя увел еси в кров
церковнаго клира, да покрываемы
святыми молитвами твоими с
надеждою вопия Богу: Аллилуиа.

Икос 2

Во внезапней без покаяния кончине
юноши правду Свою открыл тебе
Господь, от обояния мирских соблазнов
избавил еси, тайно бежать в пустыню и
вчиниться в лице друзей Христовых
благословил еси, в нищенскую одежду
облачиться и идти на брега рецы
Двины в поморския леса внушил еси,
наставляя тебя в правде и любви к
распеншемуся за ны Христу Богу
нашему. Сего ради прими от нас
похвалы сия:

Радуйся, Ярославской земли чадо
богоизбранное,

Радуйся, благочестиваго рода
Ушаковых отрасль пречестная.

Радуйся, с молитвой и крестом при
обольщении в миру на диавола
восставый,

Радуйся, путь свой ко спасению со
откровениями преподобнаго отца
Иоанна Лествичника сверявый.

Радуйся, три года в одиночестве, в посте, в молитве, в терпении скорбей на Господа из дебрей лесов взиравый, Радуйся, подозрения, побои, оскорбления Христа ради за раскольников смиренно, без ропота принявый.

Радуйся, ненависть и ярость нечестивых в гонении из поморских лесов притерпевый,

Радуйся, по святым твоим молитвам от расправы освобожденный и в Пощанскую пустынь силами небесными сопровождаемый.

Радуйся, преподобне отче наш Феодоре, радости Христова на святей Руси всем верным во спасение.

Кондак 3

Сила Вышняго духовное служение твое воистину хранила еси, старец игумен Пощанской пустыни в опасении раскольников и беглых преступников

сразу ко служению в храме Божиим
тебя безвестнаго благословил еси, в
отдаленной келий, в лесу поселил еси.
Мы же, видя попечения сия, радостно
вопием Богу: Аллилуиа

Икос 3

Благоволил еси Господь явить Своего
светильника миру, Высочайшим
повелением сыскную команду на
поимку укрывающихся от закона в
лесах направил еси, к благочестивей
императрице Елисавете Петровне
взятаго без вида Иоанна препроводил
еси и пред царским крыльцом его
поставил еси. Сего ради поем Богу:
Радуйся, на высоту безстрастия
восшедый,
Радуйся, хранителю благодати
добропобедный.
Радуйся, печать глубокаго смирения
обретый,
Радуйся, в послушании волю Божию

исполневый.

Радуйся, прощение императрицы за побег с военной службы обретый,
Радуйся, решимостию в служении Богу Царский Двор удививый.

Радуйся, иноческаго жития пред Государыней вожжелевый,
Радуйся, в присутствии императрицы в Александро-Невской обители в монашество постриженный.

Радуйся, преподобне отче наш Феодоре, радости Христова на святей Руси всем верным во спасение.

Кондак 4

Дитя Богодарованное значило имя твое, отче наш Феодоре, во знамение онаго с перваго дня твоего монашескаго делания, внимая стяжанию благодати спасения, возлюбя безмолвие, неустанно пребывая в посте и молитве в Александро-Невской обители подвизался еси, заступление от

Царственных Особ стяжал еси,
петербургских жителей, восхотевших
жить в мире, богоугодно
наставлениями вокруг себя собрал еси,
просяще помощи всем и тако
благодатию Божиею восходя от силы в
силу, поя Богу: Аллилуиа.

Икос 4

Видяще неотступность приходящих к
тебе, преподобне отче Феодоре,
сокрушался еси пред Богом в
прилежной молитве, прося у Господа
просветить разум к пониманию
Писания, повторяя: если угодно Богу,
чтобы люди назидались чрез мое
недостойнство. Мы же дивящиеся
дарованному тебе разумению Писания
и умению разрешать духовные нужды
людей с радостию вопием ти:
Радуйся, чтением творений святаго
Иоанна Златоустаго изящность и
ясность мысли обретый,

Радуйся, зависть и ненависть ученых монахов в безмолвии понесый.

Радуйся, духом Правды преисполненный,

Радуйся, запрещением скорбящих назидать Духом Божиим раздраженный.

Радуйся, гнев и козни архипастырския с прочими клеветниками и завистниками претерпевый,

Радуйся, души приходящих наставлениями соблюдый.

Радуйся, слово Сирахово: лучше слово нежели даяние, унаследовый,

Радуйся, мечем здраваго рассуждения печали от диавола в сердцах людей низложивый.

Радуйся, преподобне отче наш Феодоре, радости Христова на святей Руси всем верным во спасение.

Кондак 5

Божественный свет осия ум твой,
преподобне отче наш Феодоре, егда
научал еси жить в братстей любви без
зависти, без раздора, без лести, в
удивительном согласии и единокровии с
кротостию и смирением. Убеждал еси
оберегаться духовных страстей,
воюющих на душу, терпеть находящие
скорби Бога ради с радостию и
благодарением. Мы же, слышаше сие,
благодарне Богу вопием: Аллилуиа.

Икос 5

Ненавидящий добра враг рода
человеческаго сеял свое зло: учеником
твоим, преподобне отче наш Феодоре,
чрез злыя людие досаждая, святошами
и раскольниками в ярости их называя
зависть к самому учителю в себе
возгревая. Тем же мы вси таковому
твоему боголюбию дивящися, вопием
ти:

Радуйся, волей императрицы в
монашеском житии от бед укрытый,
Радуйся, в скорбех, в молитвах за
обидчиков во святей обители гонимый.
Радуйся, Божиим промыслом у мощей
святаго благовернаго князя Александра
Невскаго в послушании подаяния в
изобилии собравый,
Радуйся, о соблюдении заповедей
Закона Божия говорити не устававый.
Радуйся, в кротости и смирении Христу
Богу подражавый,
Радуйся, незлобием твоим духа злобы
победивый.
Радуйся, старец богопрославленный и
прозорливый,
Радуйся, слово: кто друг мирским
страстям, тот враг Богу и Кресту
Христову, в основу жития поставивый,
наставниче наш дивный.
Радуйся, преподобне отче наш Феодоре,
радосте Христова на святей Руси всем
верным во спасение.

Кондак 6

Ведяще себе источником гнева, сильней злобы и соблазна, преподобне отче наш Феодоре, испросил еси увольнения и благословения в Саровскую пустынь поступити и учениц твоих в девичий Никольский монастырь поселити, путь в Саровскую обитель с верными учениками продолжил еси, научая всех благодарственно пети Богу: Аллилуиа.

Икос 6

Воссиял еси светом истины земли российстей, в обедневшую Санаксарскую обитель на реце Мокша благословение поселиться от благосердаго отца Саровского Ефрема получил еси, со всеми учениками своими положив начало доброму подвигу о Господе. Сему Божию о тебе благоволению дивящися, воспеваем ти сице:

Радуйся, в возрождении обветшавшей

обители на Господа упование
возложивый,

Радуйся, за добродетельное житие в
Невской Лавре благотворителей по
милости Божией обретый.

Радуйся, в сан священства
преосвященным Владыкою Пахомием,
епископом Тамбовским по смирению
рукоположенный, Радуйся, высотой и
святостию принятаго сана радости
служения у престола Господня обретый.

Радуйся, благочестия христианскаго
попечителю,

Радуйся, грехов наших пред Богом
искупителю.

Радуйся, раздельнаго неспешнаго
чтения хранителю,

Радуйся, души верных назидающий на
пути к Спасителю.

Радуйся, преподобие отче наш Феодоре,
радосте Христова на святей Руси всем
верным во спасение.

Кондак 7

Хотяй Человеколюбец Господь, явити в тебе, преподобие отче Феодоре, Свое неизреченное к людям милосердие, показа тя воистину светило богосветлое: ты же, волю Господа творяще, наставляял еси: добродеть есть исполнение заповедей Божиих, а грех есть нарушение их. Его действием многая и преславная совершил еси, подвизая верных воспевати благих подателю Богу: Аллилуиа.

Икос 7

Видяще тя избранника Божия, неизменно притекали к тебе духовныя чада, полное откровение помыслов и искушений пред тобою обретая, Господа в молитвах прославляя, твердость и свободу духа отсечением воли своей укрепляя. Мы же, вси труды твоя поминающе, непрестанно воспеваем ти сицевая:

Радуйся, первый плод добродетели:
презрение вещей земных, радости же о
небесных нам показавый,

Радуйся, к необходимости жить в
нестяжании и нищете, блюсти чистоту
душевную и телесную взывавый.

Радуйся, от служения греху нас
отвращающий,

Радуйся, к отвержению воли своей и
повиновению во всем законном и
невредном нас призывающий.

Радуйся, просвещения духовного
устроителю,

Радуйся, сознательного несения Креста
Христового учителю.

Радуйся, правды Божия учения
блюстителю,

Радуйся, умного делания во спасение
среди верных насадителю.

Радуйся, преподобие отче наш Феодоре,
радосте Христова на святей Руси всем
верным во спасение.

Кондак 8

Божию милость видим на тебе,
преподобие отче наш Феодоре, в
Санаксарстей обители по благоволению
императрицы Екатерины II Алексеевны
отставных гвардейских служащих -
учеников твоих в монашество постриг
еси, упразднения Санаксарстей
обители I отвел еси, высочайшим
указом право Санаксару именоваться
монастырем обрел еси, врага рода
человеческаго побеждая и Господеви
попя: Аллилуиа.

Икос 8

Весь всем христианом заступниче
явился еси, при основании святаго
храма во время молебна пчелиный рой
на горнем месте будущаго алтаря
Господь, прообразуя обильную
благодать в обители и множество
монахов в ней, обрести тебя сподобил
еси. Мы же, суетою отягченныя и ядом

страстей напоенныя, восхваляюще
любовь твою ко Господу сице вопием
ти:

Радуйся, народу богоизбранному
ходатаю спасения ,

Радуйся, приводяй грешников ко
очищению.

Радуйся, к воздержанию всех
призывавый,

Радуйся, от печалей и злострадания
при терпении искушений отвращавый.

Радуйся, пред людьми все последние
избирать и хранить молчание, говорить
кротко и со смирением научавый,

Радуйся, к непрестанной молитве
духовный взор духовных чад
обращавый.

Радуйся, источниче, жажду ведения
Бога утолявый,

Радуйся, сердца наша от много
заботливости очищавый.

Радуйся, преподобие отче наш Феодоре,
радосте Христова на святей Руси всем

верным во спасение.

Кондак 9

Всякое естество ангельское удивися промыслу милосердия Твоего, Боже наш, яко даровал еси нам толико славнаго учителя и о спасении душ наших пред престолом Твоим, Господи, попечителя, не хотел знать, преподобие, уступок нововведениям и обычаям, несогласных с иночеством утверждая: монах не светский господин, а человек, умерший миру. Мы же, обряще вразумления сия, благодарно со слезами вопием Богу: Аллилуиа.

Икос 9

Всего себе Господу Богу предал еси, преподобне отче наш Феодоре, двумя монастырями: твоим и женским Алексеевским в граде Арзамасе управлял еси, мир среди людей утверждая и вражия козни добром и

любовию Христовой побеждая. Мы же истинность слов схимника Досифея Киевскаго зря: умная голова не только два стада, но и десять может пасти, с радостию вопием ти:

Радуйся, темниковскому воеводе
обличителю,

Радуйся, притеснителю бедных
укротителю.

Радуйся, наветов ложных кроткий
носителю,

Радуйся, исповедниче Правды Божией,
верных учителю.

Радуйся, в нощи отступления от Бога
нас не оставляющий,

Радуйся, в свет Христов всех
призывающий.

Радуйся, свои падения видеть нас
научающий,

Радуйся, о спасительном пути
жертвенности и сострадания брату
своему нам напоминающий.

Радуйся, преподобне отче наш Феодоре,

радосте Христова на святей Руси всем верным во спасение.

Кондак 10

Спастися хотяй всем человеком, иже на крови мучеников Своих Церковь основавый сердцеведец Христос попустил еси Господь пострадати ти, преподобне отче наш Феодоре: повелением императрицы настоятельскаго и иеромонашескаго звания лишился еси и в Соловецкий монастырь простым монахом, ревнителю правды Божией, определен был еси, непреставая воспевати песнь хвалебную святых святейшему Слову: Аллилуиа.

Икос 10

Стена всем святым и иноком отрада, преподобне отче наш Феодоре, в Соловецком монастыре девять лет в строгом заточении пребыл еси, страдая до бесчувствия от угара в каменных

келиях и от холода Соловков,
многолетняя скорби с молитвою за
обидчиков в смирении и полном
послушании воле Божией претерпевая.
Мы же, дивящиеся такому избранию
Господеви, вопием ти:
Радуйся, страданий крест с верою во
спасение принявши,
Радуйся, врага рода человеческого
подвизем жития твоего поправый.
Радуйся, ходатайством
высокопреосвященнейшаго Владыки
Гавриила, митролита Петербургскаго от
разлучения с Санаксарстей братией
освобожденный,
Радуйся, страдаличе, защиту
Государыни императрицы
Екатерины II вновь обретый.
Радуйся, в священном сане иеромонаха
восстановленный,
Радуйся, братией роднаго монастыря в
Санаксаре у перевоза рецы Мокша в
духовной радости встреченный.

Радуйся, преображенного монастыря
настоятелю,

Радуйся, просвещения духовного
устраителю.

Радуйся, преподобне отче наш Феодоре,
радосте Христова на святей Руси всем
верным во спасение.

Кондак 11

Пение благоуханное непрестанно
Пресвятей Троице и Богородице
возносяще, всеми помыслами и делами
наставниче великий благочестия
страны Российстей явился еси, но не
благоволил еси Господь Бог, дабы
возлюбленные Его покоились,, но паче
восхотел, дабы пребывали в скорбех,
уничежении и оскорблениях, ибо тем
отличаются воины Царя Небеснаго от
прочих, что живут в скорбех. Так и ты,
святче отче, как истинный раб Божий
не долго наслаждался миром и покоем,
вознося руцы ко Господу и поя:

Аллилуиа.

Икос 11

Богоизбранный светильник быв в житии, блаженне отче наш Феодоре, в Санаксаре вновь притерпел еси клевету и обвинения в противлении Церкви, ереси и безверии. Бог Господь тебя освободил еси от наветов диавольских: унывшим в укрепление, забывшим благочестие на вразумление, врагам Православия в предупреждение. Мы же, возлюбивше Господеви за таковую милость Его к нам, выну зовем Ему:
Радуйся, подвижниче
богопрославленный и дивный,
Радуйся, пастырю, врагом рода человеческого гонимый.
Радуйся, скорби от настоятеля родного монастыря по возвращении притерпевый,
Радуйся, пристрастия к пианству во святей обители ревностно и прямодушно обличавый.

Радуйся, простоту и воздержание среди
братии насаждавый,

Радуйся, на кичливость плененных
дьяволом восставый.

Радуйся, Арзамасских Алексеевских
учениц в скорбех утешение,

Радуйся, после смерти гонителя в
монастыре духовным чадам
личное попечение.

Радуйся, преподобне отче наш Феодоре,
радосте Христова на святей Руси всем
верным во спасение.

Кондак 12

К тебе любовь Царицы Небесней
ведуши, преподобне отче наш Феодоре,
молимся тепле к Заступнице усердной,
да хранит страну Свою святую от
раскола и неверия, да умножит в
благочестии благословенную тобою,
преподобне, Санаксарскую обитель, в |
славу горнюю обличенную, да покрывает
учениц твоих Алексеевских

благодатным Своим омофором, да поем тобою благодееющему нам Богу:
Аллилуиа.

Икос 12

Осознавше свое грехопадение,
ублажаем тя, преподобне отче наш
Феодоре, яко многомошна
молитвенника о нас в сонме святых в
Православной вере просиявших и с
любовию пред Господем велегласно
возглашаем сице:

Радуйся, отечеству, стране и
Санаксарскому монастырю, щит и
ограждение,

Радуйся, Алексеевских учениц на пути
спасения водителю и жезле.

Радуйся, по милости Божией
даровавший нам мощи святых своя во
очищение,

Радуйся, Санаксарского мужскаго
монастыря духовное украшение.

Радуйся, Пресвятей Троицы певец
благочестивый, Радуйся, чистоты

Православной веры исповедниче
дивный.

Радуйся, верою твоею многия
заблуждения от людей отвративый,
Радуйся, все козни диавольския
победивый.

Радуйся, преподобне отче наш Феодоре,
радосте Христова на святей Руси всем
верным во спасение.

Кондак 13

О предивный угодниче Христов,
пастырю и молитвенниче наш добрый,
преподобне отче наш Феодоре, прими
малое сие моление наше в похвалу тебе
от чистаго сердца возносимое, призри
на нас грехами обремененных,
гордостью и тщеславием плененных,
страстями как сетями окруженных и,
предстоя ныне престолу Царя
царствующих, Господа наша Иисуса
Христа, молися о всех нас: проси,
проси, святче Божий, молосердия Его в

день судный, животворной благодати для Росции в век сей смутный, Царя Помазанника Божия против мертвящаго жидовского пленения, да обрящем радость и блаженство воспевати Пресвятей Троице: Аллилуиа. (Сей кондак читается трижды, затем икос 1 и кондак 1)

Молитва

О великий угодниче Божий, преподобне и Богоносне отче наш Феодоре! Призри от горния славы на нас немощных и маловерных, страстями сердечным окаменением духовно ослепленных и ожидающих твоея помощи и утишения, вразумления и молитв благословенных. Молися, святче Божий! Да сподобит нас Господь жити в нестяжании и нищете, блюсти чистоту и душевную и телесную, отвергати волю свою и жити в повиновении всему законному и невредному. Да сподобит нас Господь

не думать о себе ничего великаго и
высокаго как пред Богом, так и пред
людьми. Да поможет нам не унывати
во всех прискорбных и трудных
временах жития нашего. Да в
умеренности во всем необходимем и в
удержании от излишних похотений
сподобимся на камени Истины с
угодниками Неба утояти, веру
Православную в чистоте и полноте
соборно содержать, благодать спасения
стяжати. Дажь нам благодатное
прозрение, дух очищающагс
сокрушения, даждь зрити всю высоту и
чистоту дарованнаго нам Христом
учения, храни нас от погибельнаго
отчуждения. Да сподобимся с тобою
наследия Царствия Небеснаго для
вечнаго в блаженстве прославления
Отца и Сына и Святаго Духа. Аминь.